

**ხელშეკრულება N 69 /2020**  
**სახელმწიფო შესყიდვის შესახებ**  
(გამარტივებული შესყიდვა)

ქ. თბილისი

დეკემბერი 2020 წ.

წინამდებარე ხელშეკრულება გაფორმებულია შემდეგ მხარეთა შორის:

- სსიპ - საპენსიო სააგენტო, (შემდგომში - „შემსყიდველი“), წარმოდგენილი მისი დირექტორის გიორგი დანელიას სახით;
- შპს „ორიენტ ლოჯიკი“ რეგისტრირებული საქართველოს მოქმედი კანონმდებლობის შესაბამისად, საინდივიდუალური კოდი 202052054 (შემდგომში - „მიმწოდებელი“), წარმოდგენილი მისი დირექტორის ვაჟა ნასყიდაშვილის სახით,

(შემდგომში ერთობლივად მოხსენიებულნი, როგორც „მხარეები“, ხოლო ცალ-ცალკე - „მხარე“) საქართველოს მოქმედი კანონმდებლობის საფუძველზე და მის შესაბამისად, „მხარეები“ აფორმებენ წინამდებარე სახელმწიფო შესყიდვის ხელშეკრულებას (შემდგომში - „ხელშეკრულება“) შემდეგზე:

**ხელშეკრულების სამართლებრივი საფუძველი:**

ხელშეკრულების სამართლებრივ საფუძველს წარმოადგენს: „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის ს<sup>1</sup> ქვეპუნქტი, სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული „გამარტივებული შესყიდვის კრიტერიუმები და გამარტივებული შესყიდვის ჩატარების წესის“ მე-2 მუხლის „ა“ ქვეპუნქტი და საქართველოს სხვა შესაბამისი საკანონმდებლო და კანონქვემდებარე ნორმატიული აქტები.

**1.1 ხელშეკრულების საგანი.**

1.1. ხელშეკრულების საგანს წარმოადგენს ერთი ცალი დამაგრძელებელი კაბელის (HPE G2 Basic PDU 3.6kVA C13 C19 WW, warranty 1 year ) (CPV31224810) სახელმწიფო შესყიდვა (შემდგომში-საქონელი)

**2. ხელშეკრულების ღირებულება**

2.1. ხელშეკრულების საერთო ღირებულება შეადგენს 1304.00 (ერთი ათას სამას ოთხი ლარი და 00 თეთრი) ლარს (შემდგომში „საერთო ღირებულება“).

2.2. ხელშეკრულების ღირებულება მოიცავს როგორც „საქონლის“ ღირებულებას, ასევე წინამდებარე ხელშეკრულების შესრულებასთან დაკავშირებით „მიმწოდებლის“ მიერ „საქონლისა“ მოწოდებასა და „მომსახურების“ გაწევისათვის გასაღებ ყველა ხარჯსა და საქართველოს კანონმდებლობით გათვალისწინებულ გადასახადებს.

2.3. წინამდებარე ხელშეკრულების დაფინანსების წყაროს წარმოადგენს 2020 წლის სახელმწიფო ბიუჯეტი.

**3. საქონლის მოწოდების ვადები**

3.1. საქონლის მიწოდება განხორციელდება ხელშეკრულების გაფორმებიდან 2 სამუშაო დღეში. შემსყიდველის მისამართზე; ქალაქი თბილისი ყიფშიძის 7ბ.

**4. საქონლის/მომსახურების მიღება-ჩაბარების წესი**

4.1. „მიმწოდებლის“ მიერ „საქონლის“ მიწოდების და „შემსყიდველის“ მიერ მიღების დადასტურების მიზნით „მხარეებს“ შორის გაფორმდება მიღება-ჩაბარების აქტი. მიღება-ჩაბარების აქტი ფორმდება წერილობითი ფორმით, „მხარეთა“ უფლებამოსილი წარმომადგენლების მიერ ხელმოწერის გზით.

„შემსყიდველის“ მხრიდან ინსპექტირებისა და მიღება-ჩაბარების აქტზე ხელმოწერის უფლებამოსილების მქონე პირს წარმოადგენს: საგენტოს საინფორმაციო ტექნოლოგიების დეპარტამენტის უფროსი მათე მახათაძე;

4.2. მიღება-ჩაბარების აქტის საფუძველზე „მიმწოდებელი“ „შემსყიდველს“ წარუდგენს საგადასახადო ანგარიშ-ფაქტურას საგადასახადო კოდექსით გათვალისწინებულ ვადებში და წესით.

#### **5. ანგარიშსწორების ფორმა და ვადები**

5.1. „მიმწოდებელთან“ ანგარიშსწორება ხორციელდება უნაღდო ანგარიშსწორებით ეროვნულ ვალუტაში

5.2. ანგარიშსწორების საფუძველია მხარეების უფლებამოსილი პირების მიერ გაფორმებული მიღება-ჩაბარების აქტი და საგადასახადო ანგარიშ-ფაქტურა.

5.3. „მიმწოდებელთან“ ანგარიშსწორება ხორციელდება წინამდებარე ხელშეკრულების 5.2. პუნქტით გათვალისწინებული დუკუმენტაციის „შემსყიდველისთვის“ წარდგენიდან 10 (ათი) სამუშაო დღის განმავლობაში.

5.4. „მიმწოდებლის“ მიერ წინამდებარე ხელშეკრულების 5.2. პუნქტით გათვალისწინებული დოკუმენტების წარმოდგენლობის შემთხვევაში, „შემსყიდველს“ „საქონლის“ მიწოდების ღირებულების ანაზღაურების ვალდებულება არ წარმოემოხა.

#### **6. მხარეთა უფლება-მოვალეობები**

6.1 **„შემსყიდველი“ უფლებამოსილია:**

6.1.1 ნებისმიერ დროს განახორციელოს „მიმწოდებლის“ მიერ ნაკისრი ვალდებულებების შესრულებისა და ხარისხის კონტროლი;

6.1.2 განაცხადოს უარი უხარისხო საქონლის მიღებაზე;

6.1.3 განახორციელოს ამ ხელშეკრულებით და მოქმედი კანონმდებლობით გათვალისწინებული სხვა უფლებები.

6.2 **„შემსყიდველი“ ვალდებულია:**

6.2.1 მოახდინოს ანგარიშსწორება „მიმწოდებელთან“ ამ ხელშეკრულებით გათვალისწინებული პირობების შესაბამისად;

6.2.2 შეასრულოს ამ ხელშეკრულებით და მოქმედი კანონმდებლობით გათვალისწინებული სხვა ვალდებულებები.

6.3. **„მიმწოდებელი“ უფლებამოსილია:**

6.3.1. მოსთხოვოს „შემსყიდველს“ მიწოდებული საქონლის ღირებულების ანაზღაურება, ხელშეკრულებით გათვალისწინებული ვადებისა და პირობების დაცვით;

6.3.2 განახორციელოს ამ ხელშეკრულებით და მოქმედი კანონმდებლობით გათვალისწინებული სხვა უფლებები.

6.4 **„მიმწოდებელი“ ვალდებულია:**

6.4.1 დაიცვას ხელშეკრულებით გათვალისწინებული ყველა პირობა;

6.4.2 მიაწოდოს საქონელი „შემსყიდველს“ სათანადო ხარისხითა და სრული მოცულობით.

6.4.3. მიმწოდებელი საქონელზე იძლევა გარანტიას ერთი წლის ვადით.

6.4.4 საგარანტიო ვადაში მიწოდებულ საქონელზე აღმოჩენილი ნაკლი ან დეფექტი გამოასწოროს მოთხოვნიდან 10 სამუშაო დღეში.

6.4.5. შეასრულოს ამ ხელშეკრულებით და მოქმედი კანონმდებლობით გათვალისწინებული სხვა ვალდებულებები.

#### **7. ფორს-მაჟორი**

7.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისგან, თუ აღნიშნული გამოწვეულია ფორს-მაჟორული გარემოებების

ზეგავლენით.

- 7.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს საბიუჯეტო ასიგნებების მკვეთრი შემცირებით, ომით, სტიქიური მოვლენებით, ეპიდემიით, კარანტინით და სხვა.
- 7.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობებისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

## **8. ხელშეკრულების პირობების და ფასების გადასინჯვა**

- 8.1. ხელშეკრულებაში ნებისმიერი ცვლილება-დამატება შესაძლოა განხორციელდეს ორივე მხარის სათანადოდ უფლებამოსილი წარმომადგენლის მიერ ხელმოწერით დადასტურებული წერილობითი შეთანხმების საფუძველზე, რომელიც წარმოადგენს წინამდებარე ხელშეკრულების განუყოფელ ნაწილს, თან დაერთვის მას და განიმარტება მასთან ერთობლიობაში. წინამდებარე ხელშეკრულებაში ცალმხრივად შეტანილი ცვლილებები და დამატებები ბათილია შეტანის მომენტიდან.
- 8.2. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება „საერთო ღირებულება“ ან „შემსყიდველისათვის“ უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 8.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

## **9 დავების გადაწყვეტა**

- 9.1 მხარეთა შორის წარმოქმნილი ყველა დავა და უთანხმოება გადაწყდება ურთიერთშეთანხმების გზით.
- 9.2 თუ მხარეთა შორის შეთანხმება ვერ იქნება მიღწეული, დავას გადაწყვეტს საქართველოს სასამართლო, საქართველოს მოქმედი კანონმდებლობით დადგენილი წესით.

## **10 ხელშეკრულების შესრულების შეფერხება**

- 10.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებას, რომლის გამო ფერხდება ხელშეკრულების პირობების შესრულება, შესაბამისი „მხარე“ ვალდებულია დაუყოვნებლივ წერილობითი ფორმით აცნობოს მეორე მხარეს ასეთი შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება აღნიშნულ გარემოებებთან დაკავშირებით.
- 10.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს შეთანხმების სახით.

## **11 ხელშეკრულების პირობების შეუსრულებლობა**

- 11.1 წინამდებარე ხელშეკრულებით გათვალისწინებული ვალდებულების შეუსრულებლობის ან არაჯეროვნად შესრულების შემთხვევაში, „მიმწოდებელს“ ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.07%-ის ოდენობით.

- 11.2 თუ „მიმწოდებელზე“ დარიცხული პირგასამტეხლოს ჯამური თანხა გადააჭარბებს „საერთო ღირებულების“ 0.2% პროცენტს, „შემსყიდველი“ უფლებამოსილია შეწყვიტოს ხელშეკრულება შესაბამისი წერილობითი შეტყობინების საფუძველზე და მოსთხოვოს „მიმწოდებელს“ ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.
- 11.3 პირგასამტეხლოს გადახდა არ ათავისუფლებს „მიმწოდებელს“ წინამდებარე ხელშეკრულებით განსაზღვრული ძირითადი ვალდებულებების შესრულებისაგან.

## 12 ხელშეკრულების შეწყვეტა

- 12.1 წინამდებარე ხელშეკრულება შესაძლოა შეწყდეს:
- 12.2 ხელშეკრულების ვადის გასვლის გამო;
- 12.3 ხელშეკრულების შეწყვეტის თაობაზე მხარეთა წერილობითი შეთანხმების საფუძველზე;
- 12.4 ხელშეკრულების 12.2 პუნქტით გათვალისწინებული შემთხვევაში;
- 12.5 ხელშეკრულების ცალმხრივად შეწყვეტის თაობაზე, „შემსყიდველის“ წერილობითი შეტყობინების საფუძველზე;
- 12.6 საქართველოს მოქმედი კანონმდებლობით გათვალისწინებულ სხვა შემთხვევებში.

## 13 კონფიდენციალობა

- 13.1 ამ ხელშეკრულების მოქმედების პერიოდში, ასევე, მისი დასრულების შემდეგაც „მხარეები“ დაიცავენ და არ გამჟღავნებენ ამ ხელშეკრულების ფარგლებში მიღებულ კონფიდენციალურ ინფორმაციას (ნებისმიერი ინფორმაცია, რომელიც ზოგადად არ არის საჯაროდ ხელმისაწვდომი და რომლის შესახებაც „მხარეებისთვის“ ცნობილი გახდა ან/და რომელზეც მათ ხელი მიუწვდებათ ამ ხელშეკრულების საფუძველზე. ამასთან, „მხარეები“ თანხმდებიან, რომ კონფიდენციალური ინფორმაცია გულისხმობს მის ფართო განსაზღვრებას და ყოველგვარი შეზღუდვის გარეშე მოიცავს ასევე ნებისმიერი ფორმატის და შინაარსის: იდეას, მეთოდს, პროცესს, სისტემას, საშუალებას, კონცეფციას, პრინციპს, მოწყობილობას, სერვისს, გეგმას, სტრატეგიას, აღმოჩენას, ფაქტს, გარემოებას და დოკუმენტს. ასევე, „მხარეებთან“ დაცულ, მიღებულ, დამუშავებულ, შექმნილ ან/და გაგზავნილ ინფორმაციას, რომელიც შეიცავს სახელმწიფო, პროფესიულ, კომერციულ ან საბანკო საიდუმლოებას ან/და პერსონალურ მონაცემებს), გარდა საქართველოს კანონმდებლობით პირდაპირ გათვალისწინებული შემთხვევებისა.
- 13.2 ამ მუხლის პირველი პუნქტით გათვალისწინებული ვალდებულების შეუსრულებლობა წარმოადგენს კონფიდენციალური ინფორმაციის გამჟღავნებით ხელშეკრულების „მხარისათვის“ მიყენებული ზიანის ანაზღაურების საფუძველს.

## 14 ხელშეკრულების მოქმედების ვადა

- 14.1. წინამდებარე ხელშეკრულება ძალაში შედის „მხარეების“ მიერ ხელშეკრულებაზე კვალიფიციური ელექტრონული ხელმოწერის შესრულებისა ან/და კვალიფიციური ელექტრონული შტამპით დამოწმების დღიდან და მოქმედებს 2021 წლის 31 იანვრის ჩათვლით.

## 15 დასკვნითი დებულებები

- 15.1 წინამდებარე ხელშეკრულებით გათვალისწინებული საკითხები რეგულირდება და განიმარტება საქართველოს კანონმდებლობის შესაბამისად.
- 15.2 „მხარეები“ ადასტურებენ, რომ ხელშეკრულების შინაარსი ზუსტად გამოხატავს „მხარეთა“ ნებას და მათ მიერ ნების გამოვლენა მოხდა ხელშეკრულების შინაარსის გონივრული განსჯის შედეგად და არა მარტოდონ სიტყვა-სიტყვითი მნიშვნელობიდან.
- 15.3 ერთ-ერთი „მხარის“ მხრიდან ხელშეკრულების ან/და საქართველოს კანონმდებლობის სრულად ან ნაწილობრივ დარღვევასთან დაკავშირებით მეორე „მხარის“ მიერ მისთვის მინიჭებული უფლებების გამოყენებლობა არ გავრცელდება ხელშეკრულების ან/და საქართველოს კანონმდებლობის

ნებისმიერ შემდგომ დარღვევაზე.

- 15.4 ხელშეკრულების რომელიმე მუხლ(ებ)ის, პუნქტ(ებ)ის ან/და ქვეპუნქტ(ებ)ის ბათილობა არ გამოიწვევს მთლიანად ხელშეკრულების სხვა მუხლ(ებ)ის, პუნქტ(ებ)ის ან/და ქვეპუნქტ(ებ)ის ბათილობას. ბათილი ან ხარვეზიანი დებულების ნაცვლად, გამოიყენება საქართველოს კანონმდებლობის სხვა მსგავსი ნორმები.
- 15.5 ხელშეკრულების, პუნქტ(ებ)ი ან/და ქვეპუნქტ(ებ)ი დანომრილია, დასათაურებულია და განლაგებულია მხოლოდ მოხერხებულობისათვის და ამ ფაქტს ხელშეკრულების ინტერპრეტაციისათვის მნიშვნელობა არ ენიჭება.
- 15.6 წინამდებარე ხელშეკრულების დებულებებს შორის წინააღმდეგობის ან შეუსაბამობის არსებობისას, უპირატესობა მიენიჭება საქართველოს კანონმდებლობის დებულებებს.
- 15.7 ხელშეკრულება შედგენილია ქართულ ენაზე, ექვს გვერდზე. ხელშეკრულებაზე შესრულებულია კვალიფიციური ელექტრონული ხელმოწერა ან/და დასმულია კვალიფიციური ელექტრონული შტამპი კანონმდებლობით დადგენილი წესით.

## 16 „მხარეთა“ რეკვიზიტები და ხელმოწერები

16.1. „მხარეები“ ვალდებული არიან დაუყოვნებლივ წერილობითი ფორმით შეატყობინონ ერთმანეთს ამ მუხლში მითითებული რეკვიზიტების ცვლილების შესახებ.

### „შემსყიდველი“:

სსიპ საპენსიო სააგენტო  
მისამართი: ყიფშიძის ქ. 7ბ, თბილისი  
საიდენტიფიკაციო ნომერი: 205364407  
სახელმწიფო ხაზინა TRESGE22  
ელ.ფოსტა: [hr@pensions.ge](mailto:hr@pensions.ge)

### „მიმწოდებელი“:

შპს „ორიენტ ლოჯიკი“  
მისამართი: ქ. თბილისი, ვასო გომიაშვილის  
ქუჩა, N71  
საიდენტიფიკაციო ნომერი: 202052054  
მომსახ. ბანკი სს ბაზის ბანკი CBASGE22  
ა/ა GE96 BS0000000005936872

დირექტორი  
გიორგი დანელია

დირექტორი  
ვაჟა ნასყიდაშვილი